

郎

潛

紀

聞

郎潛紀聞序

余家守藏書性嗜雜覽童卯迄今廢讀之日殆可指數
學未小成輒喜弄翰弱冠已前壇坫角逐摹揣韻格摺
獵華腴夙所誦習蓋徒以自澤其文而懵於大義謬獲
名譽旋亦悔之既又殫究訓故溫習經誼舉凡乾嘉鉅
儒東南耆碩號爲漢學演迓奧旨者什九汎覽搜殘舉
碎時有饌述憾未能淹貫精博尋復棄之甲科通籍自
請爲郎妄意依流平進樞垣臺諫尙非夢想顧不可靡
所儲蓄備官未聞乃益練習吏治兵制河漕鹽法尋討
利病銳意世用又嘗默究天人靜念身世始生之歲海

上兵起墳墓之鄉島夷錯居橫流滔天匪可坐視則又羅列書史旁逮雜家盟聘和戰印證失得渤澥形險荒裔紀載敗門人海目營心維條件掇拾猶可玩索而仕宦連蹇適會選部兩更舊例浮湛十年雖由人齟詎曰非命於是投牒乞外俛首鹽車而芻論罪言不可復出矣作縣虞東職業清簡行篋舊作料理彫鐫率皆脞說短書無關閎旨郎潛紀聞者余官西曹時紀述掌故之書也多採陳編或詢耆耄非有援据不敢率登刪併排比約可百卷姚君福均虞之宿學不鄙弁陋辱蒙校讐觸諱忤時力請刪削編十四卷爲初筆二筆已下踵付

梓人是書隨筆纂載間附鄙論先後凌雜不類不次區區之意蓋將出其叢殘就正大雅矜鍊修補姑待異時本非完書故義例可畧也嗟乎余年四十有一矣元髮將改宦學不進百里小試兢兢恐墜編刻之業才士優爲平生志業百未一中濡筆寫懷不其媿已光緒六年冬康祺識

郎潛紀聞初筆目錄

卷一二十八則

卷二四十三則

卷三五十九則

卷四五十八則

卷五五十六則

卷六六十五則

卷七五十八則

卷八六十四則

卷九四十八則

卷十四十五則

卷十一五十則

卷十二四十八則

卷十三四十二則

卷十四三十七則

子恩綸鳳瑲校字

郎潛紀聞卷一

鄞 陳康祺著

康祺於同治六年鄉舉後以貲爲刑部員外郎十年成進士四月二十一日恭奉

大對越月由翰林院帶領引見

穆宗皇帝方御養心殿延納多士時

聖壽十有六歲仰覩

龍顏河目如日方昇恭默中有嚴毅之色私幸

中興令主儀表端凝他日景福洪祺當與

聖祖

高宗接武越癸酉甲戌臣康祺兩次奉派陪祀

郊壇凡

聖躬拜獻登降均由甬道步行咫尺

天顏瞻仰尤爲親切竊見

堯腊禹胼丰采消鑠蟣蝨下士謬抱杞憂明年冬

鼎湖弓劍竟棄臣民八音遏密矣良由

大政親裁日乾夕惕庫藏有罄竭之慮修攘鮮倚毗之
人

幾務過勞沴裁偶會無疆之祚中道登遐彼保傅令僕
備位尸素不克分

君父之憂固當引爲己咎若方技小臣走奔誓御豈足

責哉

時言官中有請罪御醫李德立及嚴懲近侍者故附紀及之

軍興已來漢臣得大學士者多以疆臣受鉞徧薙賊氛
勞勩尤多遂膺爰立若駱文忠曾文正暨今湘陰相國
諸公雖未一日內召而豐功茂伐彪炳琅書儻入贊綸
屏其相業必有可述滿臣若官文忠者不必有赫赫之
功而推賢任能度量越衆然亦仕京朝之日少居闔外
之日多至於倭文端之守正不阿清操絕俗文文忠之
匪躬盡瘁馴擾強蕃方之姚宋忠唐范韓翊宋殆無忝
色咸同二朝名宰相彬彬盛矣合肥伯相當統師東下

規復三吳亦自果毅堅貞克紹曾門衣鉢轉旆討擒收效尤神自近年坐鎮畿臯

毗倚愈專時艱愈棘中外臣庶瞻仰愈切而責備亦復愈叢此正天意磨厲賢相之時事會難知功名未艾想望丰采者不敢遽加論贊也

自咸豐季年中西重立和約

朝廷擬設總理衙門堂司各官如軍機處例泰西諸國均於都城列使幕事言哢襍部族蕃多戢暴馴頑頗非易易總理衙門大臣增添至十數人多儒臣不諳邊務近十年中賴文文忠公篤裴忠清宣布威德五省通商

懂得無事今蓋臣騎箕戎心日肆萬一交聘啟隙市馬
生嫌屈指臺省諸公瀛海長城未知誰屬時艱蒿目遲
莫自傷中夜占星淚如鉛墮詩曰肆不殄厥愠亦不隕
厥問若文忠者或庶幾焉

同文館者聘西人爲教授凡

中國搢紳至齊民家聰穎子弟均許投牒赴館學習天
文句股造船製器諸法月有課歲有會其尤雋異者優
其廩餼獎以清秩蓋宦途之終南也當勅議初樞府諸
公擬選閣部翰林院五六品以下官送館肄業御史張
盛藻疏奏謂天文句股宜令欽天監五官正天文生掣

究製造工作宜責成工部考校文儒近臣不當崇尚技
能師法夷裔奏入樞臣堅持初議時倭文端公方以首
揆掌院偶有違言遂疑倭公迂濶沮大計迺奏派公充
同文館大臣公策蹇蒞任忽墮馬以足疾請急而部院
庶僚亦自以下喬遷谷爲恥迄今十餘年尙無儒衣冠
入館者嗚呼倭公誠理學名儒狂瀾砥柱在樞廷諸老
或亦深思熟計志在自彊哉

喇嘛一教較浮屠天方尤爲誕罔其人狡悍陰鷙飲酒
食肉被服鮮麗習技擊娶婦女無復戒律其中又有紅
教黃教之別黃教能畫符治病唸經呪紅教至能攝人

生魂睚眦之讐呪詛立死其演法則有跳布札放烏卜
藏諸技其唵經則有吉祥天母大遊戲迎新年龍王水
寶匣沐浴諸名目其皈依釋迦金剛毘盧藥師無量壽
諸佛則又似與浮屠同出其髡首不蓄髮亦同定例凡
祈禱雨雪救護日月食皆令演法唵經而長年承應
內廷者至數十百人之衆出則橫行街市莫與誰何縻
帑惑民於義無取蓋

本朝龍興之初喇嘛效順最早而其術盛行東土又夙
爲蒙古諸部落所崇信故優禮彼教政以羈縻外藩不
虞相沿至今祀典慶典參預日多駸駸乎欲淆秩宗之

大禮二百年來言事諸臣惜無建議裁抑者

八旂子弟爲我

朝豐沛舊人三百餘年豢養

深恩淪浹肌髓自從龍羣彥闢土斬荆名王鉅帥聲烈
烜赫厥後戡定三藩洗盪西域旂兵勛伐亦炳炳在綠
營上嘉道已後威望稍損矣然平定粵匪之役雖滿營
騎射用違其長而若武壯公烏蘭泰忠武公塔齊布忠
勇公多隆阿及今盛京將軍都興阿諸公忠貞樸勁屢
摧狂寇櫛風醺雨始終戎幕實不愧兔置材武之選豐
鎬故家之遺其所統伙飛羽林以及牧馬健兒打牲部

落紀律嚴整亦足與湘淮兩軍爭旌旗壁壘之色至於
賊蹤所及直省駐防各營臨難不苟忠節如林其最著
者咸豐三年二月賊竄金陵將軍忠勇公宗室祥厚副
都統果毅公霍隆武力扼滿城相持兩日夜血戰捐軀
十年二月杭州淪沒將軍忠壯公瑞昌副都統果毅公
傑純勒兵死守鏖戰六日夜卒復省垣十一年十一月
全浙糜爛杭州復失駐防城尙堅持四日傑公戰死瑞
公縱火自焚兩省之陷滿兵皆視死如飴萬衆同命雖
婦人稚子無一偷生草間者忠義之氣上耀三光下垂
無竟亦足見

聖祖神宗股肱臣僕之報已

咸豐八年關節案發首輔棄市少宰戍邊內外簾官及京兆闢新中舉子軍流降革至數十人之多可謂科場大獄矣相傳刑部定讞時

文宗皇帝以大學士柏葰早正揆席勤慎無咎且株連過衆

聖意不樂窮治而端華肅順方用事肅又官司寇因得挾刑律與

天子爭蓋肅順屢有憾於柏而朝臣中起家科目者又其素所白眼也九年二月十二日

文宗御勤政殿召見王大臣等正諸臣玩法之罪

天顏慘沮殆亦以通榜有憑難於曲宥爾時監視行刑者爲肅順及趙大司寇光比

穆宗登極肅益跋扈難制

兩宮震怒臚列逆跡付廷議罪在不赦蓋甫及三年權勢熏灼之堂上官亦復因衣赴西市其監視行刑者仍趙大司寇也尋有

旨復柏葰原官並

加恩錄其後人噫其驩頑讒並育於

堯天而誅殛於

舜世

聖作明述仁至義盡臺省諸公尙其知感知畏哉

科場一案爲御史孟傳金舉發衆皆咎其多言然嘉道已還公卿子弟幾視巍科爲故物自戊午興大獄而朱門後起之秀始知束身安分不致妨寒畯之進身惟近三年來

兩宮吉地

先帝陵工以及

實錄玉牒諸館偶效微勞每邀

殊寵若輩多捐納閣部官游保顯秩并不必區區甲乙

科矣

咸豐三年粵寇自武昌下竄俘掠五十萬人蔽江東來
帆檣如薺吳頭楚尾千里無堅城陸建瀛方總制三江
新膺節鉞奉

命出境籌防駐武穴下之老鼠峽鋒刃未交掩旗宵遁
長江天險至不能一日守金陵龍蟠虎踞之區雄師霧
屯芻糧山積士女登陴咸誓死守乃未及半月遽爲儀
鳳門地雷所乘賊據爲僞都歷十餘年不能猝拔江蘇
六合縣以濱江僻邑孤縣賊中百戰解嚴屢摧劇寇故
時有紙糊南京城鐵鑄六合縣之謠守禦之道豈不在

得人哉時知縣事者爲湖北溫壯勇公紹原陸制軍鄉里也積功擢道員充江南大營翼長仍留防六合困守六載至八年九月揚州再失賊勢益張憤六合官民甚糾大隊狂賊圍城紹原激厲士卒割衫嚙指草血書上勝帥乞救不應糧盡援絕城遂陷紹原率妻王氏次子輔材家婦陳氏投水以殉城中其事者新選六合縣李守誠總兵羅玉斌知縣馮明本典史葉楸奎都司王家幹夏定邦守備余承恩城守千總海從龍等皆巷戰陣亡罵賊不屈吁睢陽忠節長耀江淮彼河北二十四郡望風瓦解何竟無一人鬚眉哉

國朝定例文職五品以下不得縣帶數珠翰林院官無所區別也自雍正三年

御門聽政始派翰林編檢四人侍班乾隆二年

上以翰林班在科道前科道掛珠而翰林獨否不足以肅朝儀

特諭修撰編檢一體縣掛今翰林不兼講官者例不侍班猶沿此制

圓明園爲前明懿戚徐偉別墅舊址康熙間名暢春園世宗在潛邸時

聖祖命於園中闢地築室以爲

世宗讀書之所並

賜名圓明雍正後遂無復暢春之稱矣園距平則門二十里

列聖避暑巡幸歲駐蹕數月以爲常咸豐庚申西事孔棘津門被兵靈囿曲臺付之回祝我

文宗皇帝在天之靈有隱恫焉同治初政滿御史有建議修復者

嚴旨切責十一年廣東奸民李光照覬覦富貴具呈內務府請報効木植重修淀園

穆宗聖孝邁恆正思

兩宮聽政過勞無娛游休息之地因俯從光照請其實
光照一貧子冀以近倖爲護符得游厯川楚江浙諸產
木之區勒索肥已也幸

聖智如神卒破奸詭置光照於法民間獲免騷擾當園
工議興中外錯愕臺諫中惟沈桐甫侍御淮首上書力
爭

上震怒立

召見諭以大孝養志之義沈素呐呐青蒲獨對懾於
天威但連稱興作非時恐累

聖德而已沈退朝過余余曰

上聖明丈宜補草一疏剴切和平必迴

天聽大畧謂天子以天下養凡可以博親權者何敢顧惜帑項然浚園之毀非由天災今時事艱難仇人在國卽庫藏充溢亦不當遽議興修

皇上之意原爲

兩宮頤養起見但臣恐園工落成

兩太后入居其中反覺愀然不樂願

皇上自彊不息時時以繼志述事爲念則所以仰慰

文宗及

兩宮皇太后者於孝道尤爲光大云云如此立言

上必感悟沈丈深避余言擬次日削稿又次日封上嗣
聞游侍御百川者袖疏廷諍諤數百言聲震殿瓦
上雖未遽收成命而慙直犯

顏不加譴責長楊五柞卒罷經營鳴鳳朝陽不誠

聖朝盛事哉

康熙三十六年

聖祖親征厄魯特噶爾丹時凡所過童山沙磧不生草
木之區至是淺草蒙茸六軍游牧如內地偶乏泉水
上相地疏鑿甘泉溢涌會飲馬川西忽得明成祖勒銘
紀功之石於水厓濯而視之中有永清沙漠語

上曰眞永清矣是舉果掃穴犁庭威震域外蓋

萬乘親臨百神環衛

國初聲教所被固宜保塞稱藩者享王恐後矣

韓城王文端公杰乾隆二十六年進士

殿試進呈時閱卷諸臣置公卷第三

上親擢第一蓋公夙在尹文端公幕中司奏摺

高宗識其字體嘗蒙

嘉獎也

本朝陝西人得鼎元自公始公自通籍至參政握文衡者十二次其間督浙學三任督閩學兩任而丁未巳酉

庚戌四年之間三充會試正總裁尤爲異數云阮文達編公年譜稱公服官四十年貧如爲諸生時有門生自外任歸餽金爲壽公曰曩吾與若言何如今受若餽如所言何公忠貞亮直相業有聞卽此一端亦可見兩朝恩遇有自來已

定例凡壽民壽婦年登百歲者由本省督撫題請恩賞奉

旨給扁建坊以昭人瑞攷乾隆二十六年廣東南海縣民楊能啟年一百歲其妻黃氏年一百一歲三十五年安徽太湖縣民朱憲章同妻劉氏年俱一百歲四十五

年安徽亳州縣民陳洪如年一百六歲妻王氏年一百一歲均蒙

純皇帝御製詩章渥加

寵賚又二十七年山東章邱縣民王欣然年一百三歲其弟王瑞然年一百歲五十五年山東清平縣民張玫同弟張珩均年逾百齡亦蒙

特旨旌表夫期頤上壽振古稀逢至以一家骨肉之親同膺百歲延洪之算又恭值

高宗純皇帝御宇周甲五世同堂曼福龐釐

君民同慶則誠

昇平嘉話

壽寓祥徵書契已還於斯爲盛者也

乾隆二十三年

巡幸木蘭舉秋獮禮布魯特使臣來朝於布固圖昂阿先是乙亥平準夷噶爾臧多爾濟等丁丑哈薩克使臣根札爾噶喇等皆來朝於此爰

賜名其谷曰伊緜伊緜者

國語會極歸極也

朱竹君學士筠爲翰林時

高宗方詔求遺書公奏言翰林院庫藏明永樂大典中

多逸書宜就加采錄

上善之亟下軍機大臣議行復

御製七言八韻詩紀其事乃

命纂輯四庫全書凡海內僅有之本得之大典中者幾
六百部次第刊布嘉惠士流公又請倣漢唐故事擇儒
臣校正十三經文字勒石太學奉

硃批候朕緩緩酌辦當時

聖主右文詞臣稽古鴻篇輿冊出九淵而光九天世皆
以四庫書成歸功紀陸不知學士其先河也

軍興已來被兵諸省停舉鄉試自甲子乙丑後始漸次

補行或曰上元啟運文明大開故自戊辰至丁丑五科
狀元其名適與五行巧合戊辰第一人洪鈞名在金字
部辛未梁耀樞在木字部甲戌陸潤庠在水字部丙子
曹鴻勳在火字部丁丑王仁堪在土字部珠聯璧合名
應文昌非偶然也余謂姓名相同甚多科目得人始重
古來帝王姓氏上應圖讖如漢號卯金晉稱典午以及
劉秀李淵之先兆大抵皆事後附會之說況區區三百
人中冠冕乎相業如王文正忠節如文信國狀元亦自
足貴彼秦檜留夢炎適足爲巍科上第之玷願洪梁諸
君勉自樹立俾他日留此一段佳話耳

國朝出震乘乾肇基草昧天聰已前鈞衡帷幄悉任懿

親異姓儒臣但令給事文館天聰十年始改文館爲內

三院曰內國史院曰內祕書院曰內宏文院均設大學

士一人各有職業內國史院掌記注 詔令撰擬表章

敕諭祭文之屬內宏文院掌註釋歷代行順治二年三

事善惡勸講 御前並教 皇子諸王院結銜內字下各加翰林二字蓋初以翰林官分隸定

爲正二品衙門也十五年改內三院爲內閣其大學士

俱加殿閣銜十八年仍改從舊制康熙九年復改爲內

閣然自

世祖入關定鼎卽議滿漢大學士六員遼瀋舊人勝朝

遺耆比肩疊踵同掌絲綸所謂恢廓大度立賢無方者
非與厥後康熙朝率用大學士四員雍正間多至六員
復增置協辦大學士二員乾隆十三年始定制滿漢大
學士各二員遇歲時

慶節朝會侍班漢大學士位在滿大學士下自合肥伯
相繫

文華殿銜

定例大學士補授後請

旨兼

殿閣及六

利殿

文華殿

武英殿

文淵閣

東閣

蓋舊制殿

四閣二

乾隆十三年省

中和殿銜

增

體仁閣銜

為

殿閣名

而寶相國

鑒班列轉居其右

寶時繫

朝廷倚

各三

云

武英殿銜

朝廷倚

各三

云

云

毗使相優禮勛臣真高出唐宋萬萬

按唐自肅宗後中書令多以功臣居

之如郭子儀僕因懷恩朱泚李晟韓宏輩皆大救擊衛
而下書使字見洪邁容齋隨筆宋制參政輒位在宰相
後自寇萊公參知政事乃與宰相輪日知印正衙押班
其輒位遂與中書門下一班書敕齊列衙街衛並馬昇
江少虞宋朝聞者怵舞受者當若何戰兢耶
事實類苑

順天府府尹卽古京兆尹之遺我

朝三品官印皆用銅順天府尹獨用銀印雍正元年

特簡大臣兼理府事較之部院堂上官尤清要也蔚州

魏敏果公象樞尹京兆時嘗自署一額書我愧包公四

字自後秦小峴瀛遂於署之聽事榜曰知愧堂又撰知

愧堂記引敏果事自勵而吳嵩梁爲之書後吾師太和

張先生澐卿作尹余每謁見魏額秦記歲久不存而知

愧堂匾及曾中丞望顏所重書之知愧堂記猶及覩云
上書房設於雍正朝凡諸皇子暨近支王公及歲讀書
必

特簡翰林官使授讀者儒教胄龍種傳經古元子入學
遺法也世稱

上齋曰三天蓋由從前

列聖每歲駐蹕澄懷園諸王公卽讀書園廬其地爲

殿三層皆有

世宗皇帝御書匾額前曰前垂天貺

按一作先天不違

謂之前

天中曰中天景物

按一作中天立極

謂之中天後曰後天不老

謂之後天統謂之三天自淀園被毀昔日天潢授簡之區鄒枚橐筆之舍瑤瓦芝楣鞠爲茂草近者詞臣入直大內詢以三天之舊稱蓋幾幾乎不知緣始矣

道光二十二年西夷和議成林文忠公則徐謫戍伊犁躬歷庫車阿克蘇等城縱橫三萬餘里在道著荷戈紀程咸豐元年倭文端公仁出爲葉爾羌幫辦大臣在道著莎車行記文忠在西域叛興水利開田至數十萬餘畝至今利賴文端至葉爾羌未久復上書言事甚切天子以爲封疆大臣宜留心邊要朝廷事非所宜言踰年卽得過解任二公當萬里投荒漂搖失職之際惓惓

君國如此至今讀其所著書於山川阨塞賢豪遺迹與夫風土謠俗民生疾苦凡所目擊悉筆於書古誼忠肝躍然紙上

國朝諫臣首數彭鵬郭琇至孫文定公嘉淦以自是箴高宗袁銑以寡慾規

宣廟昌言主德風稜卓然蓋古之遺直矣以余所聞嘉道之間蘇廷魁陳慶鏞朱琦爲諫垣三直又合吾浙金應麟世稱四虎稍後王侍郎茂蔭袁端敏甲三爲言官時亦復侃侃論列不避權要端敏至劾及某郡王暨侍郎書元雖

文宗亦以爲太甚非所宜言然猶抵某郡王以罰同治一朝張盛藻論同文館邊寶泉參李伯相進瑞麥及游沈二君諫停園工諸疏皆剴切可誦主聖臣直亦遭其時然也

本朝

列聖初元靡不下

詔求言虛已容納道光三十年

文宗卽阼曾文正呂文節賢基方爲侍郎倭文端張文毅芾方爲大理卿尤能言國家大體特蒙

褒答同治之初時事日艱凡廷臣抗疏論兵

宣宗垂二十年中外不甚稱其相業近人李元度撰

國朝先正事畧至於敘仕宦述恩榮詳列世系子女生
卒而無一言及其居官余近觀公同鄉馮桂芬所爲公
墓志銘稱公視學雲南革新紅案銀在江西絕替考
之弊時擔匪邊錢會匪蹤跡出沒無已公密疏以聞在
浙江值海寇蔡牽黃葵之亂亦如之總戶部最久黑龍
江將軍請增都爾博特六屯公議地當游牧開墾非利
也不可許言官奏山東鹽課請歸地丁公議山東場竈
半毘連淮境一歸地丁聽民自運自銷官私漫無稽覈
必爲兩淮引課之累寢其奏康祺又聞公大考升官時

和珅方執政屢招公公不往

文宗登極詔舉人才公疏薦林文忠公姚廉訪瑩邵員外懿辰馮中允桂芬皆表表人望也公之事業雖不知視古名相何如亦足愧後之摸稜伴食壞國是於無形者

本朝耆臣生加太傅者五人重宴瓊林者八人狀元作宰相者八人惟潘文恭公兼之又大拜不階協辦樞廷不始學習皆異數也富貴壽考子孫繼武公之福祉三百年一人已

道光朝英夷橫海上師船游弋閩浙諸洋面

宣宗命都御史祁甯藻大理寺少卿黃爵滋馳往福建
閱海口祁黃會奏控海口莫如以礮墩易礮臺法以囊
沙爲墩以小漁舟層疊沙囊之外以兩船首尾夾縫爲
礮洞賊礮不能洞我沙而我兵隱墩內可於船罅擊賊
於是福建廈門爲礮墩賊果不能近今西夷雖舩設輪
船勢迅銳不可抵禦然於潮落之時沙淺之地此法猶
可行也講海防者不可不知

歸潛紀聞卷一終

賞紫禁城乘轎尤爲養老尊賢之曠典

康熙己未以鴻博科入詞苑者江南二十六人浙江十三人順天直隸六人江西二人山東河南陝西各一人乾隆丙辰再舉是科浙江取七人江南六人山東江西各一人丁巳補試江南浙江福建雲南各用一人辛未保舉經學授官者江南三人山西一人前後三舉特科湖南湖北廣東廣西四川貴州甘肅及滿洲蒙古皆無一人預曠典受

殊恩者

今年山西亢旱赤地千里畿輔及山東河南陝西諸省

亦復累月不雨二麥歉收

朝廷軫念災黎蠲正供截漕糧發社倉運南米戶部撥帑直省開捐起鄉官辦賑

湛恩汪濊爲史策所罕書京師入冬得雪十一月某日聞樞臣召對

兩宮面有泣容次日果大雪頃臘月已來

上三次祈雪仍未渥霈祥雲側聞

宮中聖人又復減膳持齋對天涕泣未三日果又滕六効命矣誠存爲物康降自天感應之機信如影響感悚歡躍謹敬書此時光緒三年十二月二十有八日也

康熙初年戡定三藩發帑行師度支不繼廷臣請開事例捐輸此

本朝開捐之始也然開例三載所入僅二百萬有餘捐納知縣至五百餘人始則缺多易得後見非數年不能選授亦復觀望徘徊經左都御史宋德宜奏稱限期停止下所司議行康熙按

開國人心未定滇黔諸省新入版圖故捐輸止有此數比年捐款號極疲歲入尙二百餘萬然攷乾隆間舊例祇準報捐封典虛銜每歲總在五百萬左右可見民間之寶貴名器視

朝廷爲轉移捐例愈廣功名愈輕捐數愈廉輸納愈寡
有心國計者雖未能盡革敝政盍亦仿乾隆時成例試
行一二年乎

粵東廣州府屬之番禺花縣肇慶府屬之陽春縣徵收
民米向有廚房米宮眷米名色米必細長潔白方準收
納計米萬二千餘石此項嘉穀產少價昂民以爲大累
蓋事起於前明故藩至

本朝爲旂營武職俸米乾隆間兩廣總督文勤公覺羅
鶴年始奏禁之夫天下之大庶政之繁厯代相因豈無
一二秕政今之從政盍皆如文勤用心哉

昔讀武進張皋文編修茗柯文書左仲甫事有曰余同

年友仁和湯吉士金釗

按湯文端公蕭山人此誤

告余曰往歲北來

道鳳潁間往往詢其民人繇俗有刑獄不當賦役無節
者民曰非霍邛左爺來誰與辦之有風俗乖忤水旱冤
抑者又曰非霍邛左爺來吾屬不安枕矣云云又見今
大學士左公宗棠請飭史館爲桂超萬立傳疏曰道光
十七年臣宗棠會試北上道出樂城偶游城市見知縣
桂所張示諭勸民耕種並示以種植木棉諸芋之宜以
及備荒之策甚爲詳備詢之居民皆言令之愛民出於
至誠其潔清自矢爲從前清官所未有心竊異之云云

霍邱樂城之循卓不待復言而湯左二公當騎驢覓舉
手無寸柄之時驛路偶經卽留意人才如此儒臣識量
名相襟期肇於此矣康祺同治甲子應京兆試丁卯上
計車二次皆假道江淮齊魯間亦嘗詢訪謠俗周覽山
川脈絡城郭險要於近年諸將平定粵逆捻逆屯兵戰
守遺蹟舟車所屆莫不目察而心識之雖騶卒編郎亦
終日與語無倦自問少年志尙頗不猶人奈仕宦蹉跎
家難疊遘至於壯心頽挫但求服末路之鹽車完雕蟲
之故業言念蕭山湘陰二公雖願執鞭無能爲役已攬
鏡嗚咽勞者自歌旅邸霜宵悵然紀此時光緒四年立

春前一日也

孫文定公嘉淦管理國子監時條奏太學事宜令諸生於時藝外各明一經治一事倣宋胡瑗立經義治事齋例俾爲有用之學部議從之比年康祺門下士有司敎六堂者詢其齋規則仍課時文外無所事事也今日之祭酒司業本以試帖楷法得之文定舊法宜平日弛矣康祺謬謂各省府州縣書院若

朝廷更定條規院長宜延聘不宜推薦論品學不論科名訓迪諸生一本安定成法三年學成省書院擇其成材者中送二十名貢監一例府書院各五、六名縣書院

各一二名上之本省布政司學政達其名於國學名之
曰高材生每鄉試標異其試卷直達主司不必復經房
考閱薦學政歲科試亦申送若干名卽試文平常者亦
附一等末鄉試解額及取中拔貢優貢歲科二試一等
必於是取十之五焉有多無少院長有不公不明者地
方官詳布政司學政別延一人所上冊中諸生試之不
符主司學政奏更之院長多聘老成宿望亦必無是事諸生名已達部
有改行失德者院長告之當道除名已中式及老病物
故並廢疾不能應試者別補之或各省各府別設一書
院課舉人其會試亦照鄉試例名冊上禮部如是而天

下人才有不駸駸日上務爲有用之學者吾不信也

乾隆二十八年直隸按察使裴宗錫疏言古北口外山場產菠蘿樹土人俱伐作薪不諳養蠶此樹本名橡樹入土卽生三四年後葉可飼蠶臣前在濟東飭屬遍栽頗有成效今以之供薪殊覺可惜請照東省法勸民廣栽試養

諭交直隸總督方觀承實力妥辦

又按程侍郎恩澤集記橡樹飼蠶法甚詳

錢塘沈端恪公近思康熙朝通籍官河南臨潁知縣膺卓薦遷廣西同知旋以病歸經浙江巡撫奏乞破格擢用雍正元年

良渚系昆 卷二
特用吏部文選司郎中

恩加二級

賜第一區帑金四百兩二年卽擢吏部右侍郎

賜詩有操比寒潭潔心同皎月明之句以在籍紳士而
被巡撫之薦以告病同知而特用京員以五品司官而
賜第賜帑以本部郎中一年而卽擢堂官皆自來未有
之曠典夫公之清廉忠謹固足當之而我

世宗任賢勿貳破格甄勸若此想一時百寮仰望莫不
感泣奮興矣今循例遷除且似河清之難俟因循泄沓
弊實由茲經國者盍思變計乎

故事翰林院掌院學士爲專缺康熙五十六年正月左都御史及掌院皆缺員吏部兩疏入奏

上曰是當以不畏人學問優者兼任之遂

特命徐元夢爲左都御史兼掌院學士

康熙朝以朱子昌明聖學有益斯文

命禮臣升躋神位於十哲之次乾隆二年徐文定公元夢奏請以有子升堂配享且以宰我冉求一因短喪有不仁之責一因聚斂有非徒之斥謂宜移祀兩廡其舊在兩廡之南宮適宓不齊俱以君子見稱於孔子亦宜並予升配疏下大學士九卿議以有子升配子夏之下

移祀朱子於子張之下餘悉仍舊

雍正間耗羨歸公定直省各官養廉由

世宗之獨申睿斷因時制宜而其端則發於山西巡撫
諾岷布政司高成齡蓋先是州縣徵收火耗藉資日用
上司所需取給州縣不無貪吏藉口上司容隱之弊雍
正二年諾岷請將山西一年所得耗銀提解司庫除抵
補無著虧空外分給各官養廉而成齡復請倣山西例
通行直省

上以剔除弊竇必更定良法耗羨必宜歸公養廉須有
定額

詔總理王大臣九卿會議會各省皆望風奏請議遂定使嗣後爲民牧者恪守成規不於耗羨外更加耗羨諾岷與成齡洵一言利溥矣

國初每科進士除選庶吉士外分派各部以主事學習行走三年期滿始以部屬知縣分別錄用乾隆元年經侍郎勵宗萬奏請嗣後學習期滿人員令該堂官出具考語分三等引

見一等補主事二等卽用知縣三等補國子監助教監丞及司經局正字等缺又前因禮部事簡停止分派學習主事至是宗萬請仍照舊例與五部一體籤派下部

議行

康熙十二年

上命擇詞臣醇謹有學者入侍左右備顧問張文端公
英時以編脩充講官首被是選十六年始立

南書房特遷公侍講學士使領其事

王文簡公士禎才地淵雅其詩學爲

本朝開山

梅村芝麓
虞山更不足論矣

是明臣世幾以文人目之康熙

案公爲祭酒時請復

文廟爲大祀定籩豆樂舞之制又請釐正從祀諸賢諸
儒名號位次著之

大清會典以垂永久又請補祀漢儒田何復祀鄭康成
並以宋儒尹焞何基明儒曹端章懋蔡清呂柟羅洪先
呂坤從祀又以太學所藏十三經注疏二十一史版漫
漶殘缺請鳩工修補並請將前明南監經史版令江南
學臣收藏儒學尊經閣中以嘉惠來學公生平梯接儒
流振興文學以名教爲己任培元氣於無形不特雕章
絺句與騷人墨客爭長也乾道而還儀徵太傅弇山制
軍差足繼公餘韻今則風流閭寂六十年矣

康熙間福建提督施琅平定臺灣功第一

詔封琅靖海侯世襲罔替琅疏辭侯爵懇照前此在內

大臣之列

賜戴花翎部臣議在外將軍提督無給翎例

聖祖特旨賜戴以開疆海外削平僭偽之元勛

賞翎弗及以澤延後世巍巍五等之崇封願易一翎而格於廷議當時之重花翎如此

閩海之平

王師已由澎湖入鹿耳直抵臺灣鄭克塽黨羽攜貳險要盡失始率屬薙髮迎降當時猶

詔授克塽公銜其大將劉國軒馮錫范伯銜俱隸上三旗

開國之寬大如此

康熙三十年戶部以大兵征噶爾丹軍用浩繁奏行輸運糧草準作貢監並開捐免保舉例陸清獻公時爲御史奏謂督撫舉人必曰清廉方爲合例若保舉可捐是清廉可捐而得也公又疏稱捐納一途賢愚錯雜惟恃保舉以防其弊不敢謂保舉盡公猶愈於竟不保舉云云下九卿議並言事例已行不必更張今軍功捐納兩途到省一年由督撫察看才具出具考語卽當時保舉遺意

海澄公黃梧本鄭成功將順治十三年歸順其子芳度

康熙間拒耿逆之招困守漳州城陷殉難事聞

贈王爵諡忠勇

陝西提督王進寶以平吳逆功授三等子

賜彤弓駿馬卒諡忠勇乾隆三十二年

詔三等子爵世襲罔替同時趙良棟授一等子爵卒諡

襄忠乾隆間

詔一等子爵世襲罔替

康熙十八年雲貴總督蔡毓榮

封綏遠將軍

賜敕總統綠旂兵異數也

兵部侍郎凌如煥督學湖北時以明臣楊漣元孫可鏡
充拔貢可鏡赴朝考以文理荒謬議革並議如煥降一
級調用

世宗特諭云楊漣父子兩世忠義其子孫雖文藝不工
亦當格外造就楊可鏡準作選拔赴國子監肄業仍著
禮部帶領引

見凌如煥免其降級

世宗之崇獎忠節洵無微不至矣

令甲凡羈係刑部人犯秋審結案者歸北監現審未結
者羈南所結案之犯每月初二十六兩日許家屬入視

良法集 卷二
三
家人在監者每日準出入買辦案情未定者概不許出入以杜傳信串供之弊也

乾隆二十五年

上以江蘇錢穀殷繁令增設布政司分理尹繼善等奏請分江甯淮南揚州徐州通州海州爲一布政使駐江甯蘇州松江常州鎮江太倉州爲一布政使駐蘇州而安徽布政使移駐安慶

乾隆三年

上將視學擬舉行三老五更禮大學士張廷玉奏以典禮隆重名實難副恐幾微未稱不愜觀聽請停止

中外大臣遺疏多子孫賓客爲之卽力疾手定彌留口
占者亦敘述恩遇泛論治體者居多獨朱文端公軾疏
云萬事根本君心而用人理財尤宜鄭重君子小人公
私邪正判於幾微在審察其心跡而進退之至若國家
經費本自有餘異日儻有言利之臣倡爲加賦之議者
伏祈聖仁乾斷永斥浮言實四海蒼生之福云云忠君
愛國之忱至死惓惓可謂大臣矣

舊例凡

封贈之典四品以下文官祇準將本身妻室封典移封
父母八品以下例封本身不及妻室是以封不及父母

雍正二年從吏部尙書朱軾之請四品下始準移封祖
父母八九品官準封父母不封本身妻室又教授學正
教諭訓導向無封典至是教授照知縣學正教諭照縣
丞訓導照主簿一體準封並繼母生母與嫡母俱封皆
文端奏準

本朝西江理學皆承南豐謝文潯約齋之緒餘約齋明
季諸生蚤喜陽明龍谿之學四十後讀羅整庵困知記
始奉張程諸子爲宗開門授徒從學百輩若封濬黃熙
甘京危龍光曾曰都湯其仁世所稱程山六子也濬好
爲人排難解紛秩秩有次序魏叔子稱爲篤行有道君

子熙始與約齋友後折節師事之進退維謹不以爲勞
順治十五年進士當謁選乞養歸京少豪放慕陳同甫
之爲人講求有用之學嘗區畫田賦上下上之有司賊
起潛身走山砦習其險易陳策於大吏請勦之晚爲童
子師自給編家禮酌宜若干卷龍光善事繼母以呂氏
鄉約化其里人人曰今之子路也曰都家貧賣豆腐自
給其學務實體諸已因號體齋刺取經史及語錄與人
之篤行誼關風化者爲有用錄百餘卷其仁居家有法
每朔望聚子弟訓以先正格言見孤寡必恤之濬其仁
以明經貢於鄉龍江曰都皆諸生甯都魏禧曰曰都毅

而能介其仁和而有守京龍光坦中而好義熙虛已而
摯此五君子者性情行已不同而孝友於家廉於財不
苟且於言行學古賢者之學而歉然以爲弗及則無弗
同也程山門人尙有傳與李萼林邵濬明亦篤學力行
不愧宗派

怡賢親王總理水利營田時與大學士朱文端公彙奏
營田事例四條一自營已田者照頃畝多寡予九品以
上五品以下頂帶一効力者酌量工程難易頃畝多寡
分別錄用一降革人員効力者準開復一流徒以下人
犯効力準減等從之惜全功未竟當世大政莫亟於是

國家故事大考翰詹惟一等及二等前數名得遷擢稍後或被文綺之

賜中贊以上列三等末率改官降黜編檢奪俸至四等則無不降斥者乾隆戊辰大考諸城寶總憲光鼐時官編修名列四等

上夙知公特遷爲右中允異典也公古文學昌黎時文天矯成一家言居官亦鯁直清介爲時名臣甚矣

高宗皇帝之知人也

李文貞公光地督學順天時聞母喪

諭令在任守制經御史沈愷曾楊敬儒交章論劾給事

中彭鵬以十不可留爭之世以文貞理學名儒宜痛哭
力辭不應僅請給假九月並有訛傳文貞自請奪情者
康祺按奪情實出

上意惟考文貞丁父憂時以與平閩亂功

詔授學士令其服滿赴京公疏言在制未終身猶凶人
不敢服命服以拜

朝命夫在籍超遷並未強之視事所謂服命服者不過
謝恩之一時公猶以爲不可豈現任學政可衰麻臨事
耶感激

殊恩亟於報效功名之際如公猶不克自持危矣哉

世祖時詔天下選諸生文行兼優者與鄉試副榜貢生咸入國子監肄業康熙元年給事中晏楚瀾奏停鄉試副榜而優生亦久不復舉自徐元文爲國子祭酒始疏請學政間歲一舉優生鄉試仍取副榜俾辟雍多經明行修之士時康熙九年也至今著爲令

張文貞公子逸少由庶吉士改知縣遷秦州知州因公奏請得

旨授翰林院編修文貞卒

特陞逸少爲侍講學士以文貞僅一子也

康熙間無錫知縣吳興祚以漕督帥顏保保薦

特擢福建臬司

國初以知縣俸滿行取卽得考選科道康熙四十一年御史黃秉中疏言科道官由滿洲漢軍陞補者大抵積俸二十餘年漢人一爲知縣三年卽選科道殊覺太驟請嗣後行取知縣先以六部主事用俟練習有年始許考選下九卿議行

俄羅斯人來邊境者

國初呼爲羅刹康熙二十四年踞雅克薩城

上命副都統公彭春往討師薄雅克薩遣人以書諭降不從軍其城南集戰船於城東城下三面積柴爲焚城

狀城中大驚其酋額里克舍窮蹙乞降乃宣

恩諭宥其罪額里克舍引六百餘人稽顙謝卽徙去時
彭春奏陸行自興安嶺以往林木叢雜途逕窄隘冬雪
之時沙結冰堅夏雨泥深淤阻惟輕裝可行水程自雅
克薩還至愛鱗城於黑龍江順流行舟僅須半月兩岸
可緯挽若逆流行舟須三月較陸倍期而於運糧礮爲
便時嘗建木城於黑龍江呼瑪爾調兵千五百往駐造
舟運礮又選福建投誠善用藤牌兵四百人助勦當此
泰山壓卵北海澆瑩蠢茲島夷一鼓可下且使懾彼降
人命爲鄉導卽犁庭掃穴何難而我

聖祖猶宣諭諸將謂中國兵馬精強器械堅利羅剎勢不能敵歸誠時勿殺一人俾還故土

祖宗朝義征仁育懷柔遠裔至此他日出使虜廷者稱述舊典或猶足壯我威棱感動異類也詳見

國史彭春傳時務所關特錄於此

陽湖孫淵如先生星衍洪稚存先生亮吉卅角訂交並負才望世稱孫洪乾隆丁未庚戌兩科皆以一甲進士

授編修

孫丁未科第二
洪庚戌科第二

孫散館厲志賦用史記矍矍如

畏語和珅指爲別字抑置二等蓋和方當國朝官多趨走其門先生獨不往來和銜之故有是舉顧舊例鼎甲

散部可奏請留館卽改官亦可得員外郎時和掌院事
欲先生面謁先生卒不往毅然曰

天子命何官不可爲某男子不受人惠也卒以主事分
刑部出爲兗沂曹濟道權臬事告歸淇留館後一視黔
學以言事謫戍伊犁踰年

特詔放還夫際乾嘉全盛之時卓卓如兩先生者幸捷
巍科猶不能久於館職豈天上玉堂果不許文人廁足
與然而兩先生文章經術衣被士林其出而服官一則
力避權門一則昌言

主德清操亮節體用兼賅彼拾許鄭唾餘竊班揚貌似

通儒自命氣節靡然者豈能望其肩背哉

方恪敏公觀承子襄勤公維甸兩世爲尙書直隸總督
皆有名績恪敏五十未有子撫浙時使人於江甯買一
女子公女兄弟送至杭州將筮日納室中矣公至女兄
弟所見詩冊有故友名詢之知此女攜其祖父作也公
曰吾少時與此君聯詩社安得納其孫女乎還其家助
資嫁之公年六十一矣吳太夫人旋生子卽襄勤也
桐城張晴嵐鏡壑壽雪兄弟皆曾官閣學壽雪有記

恩詩

祕閣曝書以每年三月六日自康熙壬寅始也

嘉慶己未考試教習凡分教宗學者多入翰林如劉榜
眼彬士鄒探花家燮杜編修墀史編修譜楊編修懌曾
是也杜楊諸公後皆至顯秩在當時已有五鳳齊飛之
目

耶潛紀聞卷二終